

CYNGOR CYMUNED Y FELINHELI

Cofnodion cyfarfod 11eg o Ebrill 2023 a gynhaliwyd yn rhithiol am 7 yn yr hwyr		
PRESENNOL		
Daniel Llywelyn Williams	Iwan Huws	
Llŷr Evans	Emyr Gareth	
Elenid Glyn	Dafydd Huws	
1.0	GEIRIAU AGORIADOL Y CADEIRYDD AC YMDDIHEURIADAU	
	Agorwyd y Cyfarfod yn ffurfiol gan Y Cynghorydd Iwan Huws. Derbyniwyd ymddiheuriadau oddi wrth y Nel Huws, Cynog Prys, Eifion Williams, Meleri Jones ag Eleri Wyn Thomas	
1.1	Ni chafwyd cyfraniad oddi wrth y cyhoedd.	
1.2	Budd net ar gyfer bioamrywiaeth a chadernid ecosystemau – cefnogol – y Clerc i ymateb ar lein.	CLERC
1.3	Bil Tacsis a Cherbydau Hurio Preifat (Cymru) – dim sylwadau	
1.4	Llifogydd Afon Heulyn - dywedodd y Cadeirydd ei fod wedi derbyn e-bost gan gwpl oedd yn pryderu y bydda'r afon yn gorlifo i mewn i'w heiddo oherwydd difrod i bont ar draws yr afon. Mae'r mater yma wedi bod gerbron y Cyngor eisoes yn 2020 lle gohebwyd Cyfoeth Naturiol Cymru a Chyngor Gwynedd am y mater. Ni ddaeth unrhyw weithred gadarnhaol ar y mater. Penderfynwyd anfon eto at Gyfoeth Naturiol Cymru a Chyngor Gwynedd.	
2.0	DATGAN DIDDORDEB	
	Dim	
3.0	CADARNHAU GWARIANT MIS BLAENOROL A'R ADRODDIAD ARIANNOL BLAENOROL	
3.1	Cyflwynwyd gwariant ac adroddiad ariannol y Cyngor am fis Fawrth 2023 gan y Clerc ac fe'u derbyniwyd. Rhoddwyd hefyd adroddiad o'r gwariant ac incwm ar hyd y flwyddyn ariannol. Mae'r cyfrifon wedi eu hadolygu gan Scribe ac maent yn barod i'w cyflwyno i'r archwilydd mewnol.	CLERC
4.0	CADARNHAU COFNODION MIS BLAENOROL A MATERION YN CODI	
4.1	Cadarnhawyd Cofnodion mis Mawrth 2023.	CLERC
4.2	Wi-Fi - dim ymateb wedi bod hyd yma oddi wrth Fenter Môn. Y Clerc a'r Cynghorydd Iwan Huws am barhau i gael ymateb.	
4.3	Llwybr 17 a Llwybr Cerrig yr afon – dim ymateb wedi bod oddi wrth y Swyddog Llwybrau Cyhoeddus Gwynedd a dim pris heb ei dderbyn. Y Clerc i anfon at y Swyddog eto.	
4.4	Cyfrifiad diffibrilwyr – dim gwybodaeth wedi ei dderbyn gogyfer cadarnhad bod yr Ysgol yn cynnal yr offer.	CLERC ASEDAU
5.0	CEISIADAU CYNLLUNIO	
5.1	Rhif Cais : C23/0226/20/DT Lleoliad : Cilgwyn Tan Y Maes, Y Felinheli, Gwynedd, LL56 4UQ Bwriad : Ymestyn / ail-lunio'r porth mynediad presennol. DIM GWRTHWYNEBIAD	

CYNGOR CYMUNED Y FELINHELI

5.2	Rhif Cais : C23/0267/20/DT Lleoliad: 12 Stryd Menai, Y Felinheli, Gwynedd, LL56 4HX Bwriad: Proposed enlargement of an existing dormer window to the rear elevation of a residential dwelling. DIM GWRTHWYNEBIAD	
5.3	Dywedodd y Cynghorydd Daniel Williams ei fod yn bryderus bod datblygiad ar Penybryn wedi mynd drosodd i dir Cyngor Gwynedd lle mae gan y Cyngor Cymuned Les. Bydd angen edrych yn fanwl ar y les a'r cynllun. Hefyd bydd angen anfon at adran eiddo y Cyngor i ddatgan hyn.	
6.0	CYLLID, CYFLOGAETH, PHOLISIÂU A GWEFAN	
6.1	Gwaith ar y wefan yn parhau. Penderfynwyd byddai cyfarfod o'r pwyllgor ar yr ail o Fai 2023.	
7.0	ASEDAU	
	Cadarnhawyd yn ffurfiol argymhellion y pwyllgor o'u cyfarfod ar yr ail o Fawrth 2023. Y Clerc i anfon gwybodaeth am y ffioedd newydd i ymgwymerwyr angladdau'r ardal.	
8.0	LLWYBRAU CYHOEDDUS, LÔN LAS A PHRIFFYRDD	
8.1	Gweler 4.3	CLERC
8.2	Mae dau lwybr yn croesi'r ffordd osgoi. Nid yw'r Cyngor yn fodlon gyda hyn a theimlir bod yn amser i gael trafodaeth gyda Chyngor Gwynedd i edrych os oes modd dileu'r trefniant o groesi'r ffordd. Y Clerc i anfon at Gyngor Gwynedd. Y Cynghorydd Emyr Gareth i anfon ymlaen manylion perthnasol y llwybrau ynghyd a chynllun i'r Clerc.	
8.3	Mae llwybrau sydd yn cael eu cynnal gan yr asiantaeth cefnffyrdd i weld heb gael eu torri fel yr addewidwyd. Y Clerc i anfon eto.	
8.3	Rheolwr gwaith stryd Cyngor Gwynedd wedi bod ar safle gyda'r Cynghorydd Iwan Huws yn ddiweddar ac wedi sylw bod angen gwaith atgyweirio ar y palmant ac angen biniau newydd ar y stryd fawr.	
8.4	Cyflwynwyd lluniau gan y cynghorydd Dan Williams am dwll ger caead offer BT neu gyflenwr arall ger Pen ceunant - Y Clerc i anfon at Gyngor Gwynedd. Mater arall a godwyd oedd bod manhole ochr ffordd Lan y Môr wedi blocio ers peth amser a bod ffordd Lan y Môr yn wlyb yn barhaol. - Y Clerc i anfon at Gyngor Gwynedd.	
8.5	Cyfeiriwyd at y ddamwain drychinebus a ddigwyddodd yn ddiweddar ar y ffordd osgoi. Mae digwyddiadau neu gau'r ffordd osgoi yn cael effaith andwyol ar y briffordd drwy'r pentref. Oherwydd y digwyddiad diweddar roedd tagfeydd ofnadwy drwy bentref gyda thraffig ddim yn symud i'r un cyfeiriad. Dywedodd y Cynghorydd Llŷr Evans a'r Cynghorydd Emyr Gareth bod y sefyllfa yn hunllefus gyda dau ambiwlans wedi methu mynd trwodd o gyfeiriad Caernarfon tuag at Fangor. Gall sefyllfa fel hyn fod yn fater o fyw neu farw os byddai angen mynedfa ar frys i mewn i'r pentref gan y gwasanaeth tân neu'r gwasanaeth ambiwlans. Mae datrysiad syml i'r mater - hynny yw angen trefn unffordd drwy ddefnyddio dargyfeiriadau ger	

CYNGOR CYMUNED Y FELINHELI

	Nant Garth a chylchfan Plas Menai. Byddai cael y drefn mewn llaw yn barod o fudd o herwydd dim ond ei gweithredu byddai angen wedyn fo'r angen. Y Clerc i anfon at Gyngor Gwynedd, Heddlu Gogledd Cymru a Chefnffyrdd er mwyn trio cael gwell trefn.	
9.0	NEUADD GOFFA A CHLOC	
9.1	<p>Cafwyd adroddiad llafar gan y Cynghorydd Daniel Williams, dangoswyd bod pillar ochr Bangor wedi ei dod yn ei flaen yn dda. Mae angen gwneud gwaith i'r llawr fel adroddwyd mis diwethaf.</p> <p>Cafwyd gwybodaeth am brisiau goleuadau LED i'r neuadd sef £1255, ni chafwyd penderfyniad i osod y rhain am y tro. Bydd y cynghorydd yn gwneud ymchwil i edrych faint mae'r goleuadau presennol yn costio i'w rhedeg mewn cymhariaeth a faint fydda'r arbediad o osod a defnyddio'r rhai newydd.</p> <p>Oherwydd bod y tywydd yn addo fod yn ddrwg am y dyddiau nesaf gobeithir gwneud ymweliad i'r cloc er mwyn cael gweld lle mae'r dŵr yn arwyl i mewn.</p>	<p>DW</p> <p>MJ</p>
9.2	Cloc - cyfarfod heb ei drefnu gyda'r pensaer hyd yma.	
10.0	CYNLLUN LLIFOGYDD CYMUNEDOL	
10.1	Hyfforddiant wedi ei gwblhau i 16 person ar sut mae cau'r giatiau. Gobeithir rŵan symud ymlaen ar gyfer gwneud asesiadau risg gogyfer archwilio lleoliadau tebygol o orlifo o fewn y pentref.	DW
11.0	UNRHYW FATER ARALL	
	Dywedodd y Cynghorydd Dan Williams nad oedd ymgyrch hel sbwriel wedi bod ers tro. Dywedodd byddai casglu sbwriel ar hyd ochrau'r ffordd yn fantais rŵan gan fod y tyfiant wedi ei wasgu i lawr a bod y sbwriel i'w weld. Gobeithir trefnu digwyddiad yn Mai neu Fehefin. Efallai byddai'r cymdeithasau o fewn y pentref yn gallu gwirfoddoli.	
	Daeth y cyfarfod i ben oddeutu 21:58	
Llofnod:		Dyddiad: